

Sigurnost i povjerenje

Uspjeh bez rizika

Prednost rješenja sporu između stranaka zaključenjem sudske nagodbe ogleda se u činjenici da stranke vlastitom voljom, sporazumno, rješavaju nastali spor na obostranu korist i zadovoljstvo. Sa druge strane, ovaj postupak se odvija pred sudom, koji garantira valjanost takvog sporazuma, njegovu pravomocnost i izvršnost, a strankama pomaže u iznalaženju zajedničkog rješenja.

Na pripremnom ročištu, kao i tokom cijelog postupka, postupajući sudija će, na način koji ne ugrožava njegovu nepristrasnost, pružiti strankama pomoć u cilju iznalaženja mogućeg sporazumnog rješenja. U tom slučaju, vi istinski sami odlučujete o sudbini vašeg sporā.

U sudskoj nagodbi obje su stranke pobjednici jer su sklopile nagodbu od zajedničkog interesa, što sve sudionike čini zadovoljnim i omogućava im obnovu privremeno poremećenog odnosa i njegovo zadržavanje u budućnosti. Isključuje se svaki rizik za stranke od eventualno nepovoljne sudske odluke, pa tako i od one u žalbenom postupku.


Sudska nagodba



Najpogodniji postupak

Sudska nagodba omogućava očuvanje poslovne saradnje ili privatnih odnosa između stranaka u postupku. Prilikom zaključenja sudske nagodbe stranke same biraju način rješenja spora i na taj način nagodba predstavlja njihov međusobni dogovor. Sa druge strane, sudska presuda podrazumijeva samo jedno moguće rješenje spora na temelju zakona, koje uvijek ne mora pogodovati strankama.

VSTVBiH, Kralije Jelene 88, 71000 Sarajevo, BiH
Tel. +387 33 707 500, Fax: +387 33 707 550
Email: vstvpress@pravosudje.ba ili vstvbih@pravosudje.ba
Web: <http://vstv.pravosudje.ba/>, www.pravosudje.ba



Šta je sudska nagodba

Uloga suda

Sudska nagodba jedan je od manje poznatih načina rješavanja sporova u Bosni i Hercegovini. Riječ je o mirmom, sporazumno načinu rješavanja sporu, koji podrazumijeva međusobni dogovor stranaka u sporu o predmetu sporu.

Sudska nagodbu stranke zaključuju u pisanoj formi ugovora pred nadležnim sudom, time rješavajući spor koji postoji između njih. Takav ugovor ima svojstvo pravomoćne presude, a u slučaju da se ugovara obaveza za neku radnju, ima snagu izvršnog naslova. Stranke mogu zaključiti nagodbu o predmetu sporu u toku cijelog postupka, a sudska nagodba se može zaključiti u predmetima parničnog i vanparničnog postupka.

Ukratko, prvenstveni je cilj sudske nagodbe da stranke u postupku sporazumno utvrdaju da za predmet za koji se vodi sudski spor mirmim putem zaključuju nagodbu u cilju njegovog rješenja. Slobodom volje, stranke same odlučuju da li će priхватiti inicijativu suda ili same predložiti zaključivanje nagodbe, a nastali spor rješavaju na način koji je najbolji za njih. Sud garantira valjanost, pravomoćnost i izvršnost takvog dogovora, jednako kao u slučaju sudske odluke.

U sudskoj praksi Bosne i Hercegovine ovaj je način alternativnog rješavanja sporova rijedak, ali je to svakako djelotvoran način rješavanja svih vrsta predmeta parničnog i vanparničnog postupka, pogotovo privrednih, ugovornih, radnih i porodičnih sporova, predmeta male vrijednosti i komunalnih predmeta.

U svakom postupku sud će, prilikom prvog susreta sa strankama – na pripremnom ročištu,inicirati postupak sudske nagodbe. Sud će, na način koji ne ugrožava njegovu nepristrasnost, na pripremnom ročištu, kao i u toku cijelog postupka, nastojati da stranke zaključe sudsку nagodbu. U cilju doprinosa nagodbi, sud može, kada ocijeni da je to osnovano, strankama predložiti kako da se nagode, vodeći računa o željama stranaka, prirodi spora, odnosima među strankama i drugim okolinostima. Sporazum stranaka o nagodbi unosi se u zapisnik koji stranke potpisuju.

Vaš spor se okončava zaključivanjem sudske nagodbe pred prvočepnim sudom, bez dalnjeg odgovlašenja postupka.

Zašto izabrati postupak sudske nagodbe

Sudska je nagodba dobrovođan, miran, povjerljiv, ekonomičan i brz postupak. Kao i sve nagodbe, najbitnija je volja stranaka, dakle, da stranke žele i hoće riješiti svoj spor dogовором. Osnovni je motiv završiti postupak nagodbom bez daljnog vođenja sporu.

Zaključivanjem sporazuma među strankama znatno se skraćuje vrijeme trajanja sudskega postupka, izbjegavaju se brojni troškovi redovnog sudskeg postupka, te su stranke i sud poštedeni iscrpljujućeg i dugotrajnog postupka, koji, između ostalog, podrazumijeva: zakazivanje dodatnih ročišta, prijavljanje i izvođenje dokaza, izradu sudske odluke, žalbe na odluku itd.

Sudska je nagodba privilegirana sa aspekta plaćanja sudske takse. Prema gotovo svim zakonima o sudske takse u Bosni i Hercegovini, predviđene su olakšice za sporove riješene sudskom nagodbom.

